

NIXI KUU KOTO NA XI VE'E MEE NA TATU YEE TUNTO'O

Ve'e na kutu'va na nixi koto na mee na... kuu ntakanini ni nixi kuu koto va'a ni na xi ve'e ni

Nuu tunto'o ntyinikuu, ntuta'an sukuatyi a nantsa'nu a na nta'vi ku'u a mantya kiti kumi na ra kuu koo tu'va takua kàku na a kàkù kiti na

Sa'a ni ña ño'o:

1. Kuntzee ni ntyi kuu nuu nty nto'o na, nty kuu nuu kuu kàku na; kui ini ve'e a yuye'e. Kuntzee ni nixi kaa kue ña'a kumi ni ve'e ni 
2. In nuu tutu ntana'a ni ntyi tsio kuu kee ni, tyikaa ni in yutu nuu kuu ta'an na tunto'o 
3. Koo tu'va ni tatu ntyi yee sa'a ni, saan ra kuni kii ni nixi kuu sa'a ni tatu ntyi kivi nikitsa kuun savi xeen, taan a tuu ñu'un kua'in 
4. Sa'a ta ni nixi kuu sa'a ni tatu ntyi kii ntunta'a ni tunto'o. Kuu sa'a ni ña ùni tya'ntya ta kuia 

Mochila nuu kunka va'a kue ña'a kuu kumani

Ña kuu kuniñuu kii ni...



Ta yee tunto'o ra, a ntakatu'un ta ni mee ni... ¿A ini ve'e ni a ña yuye'e ni kò ña kuu nto'o ni?

- ▶ Tani mee ni tsini vari tsini ni nixi kaa ve'e ni
- ▶ Tatu ntyi kuu ra taxiin ni kuntu'u ni, ma sketa ni, ma kana ni, ma tyinta'a ni
- ▶ Kua'an ni nuu nikintoo ni ña ntane'e ta'an ni tsi kue na xi ve'e ni

#PREVENIRESVIVIR

Lengua indígena nacional: **Mixteco**. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juxtlahuaca, Oaxaca. También se le denomina **mixteco del oeste central**. Traductor: Bernardo Galindo Sánchez

Ntakatu'un ni

Sistema Nacional de Protección Civil
www.proteccioncivil.gob.mx
 Centro Nacional de Prevención de Desastres
www.cenapred.gob.mx
 Tatu ntyi kuu ra skaxi ni nuu kaa yo 088
 Fuente: Centro Nacional de Prevención de Desastres

Tatu TAÀN...

SATU'VA NI Ta ntsain taàn



Satu'va ni nixi kunkoto ni na xi ve'e ni



Tyikua ni tyuun ra ntana'a ta ni nixi kuu sa'ani tatu na taàn



Ntakuni ni ntyi tsio ku'un ni a kunkaa ni tatu taàn



Kuntyee ni a va'a ni kaa gas tsi ñu'un



Satutu ni ña ko'o katsi ni

ÑA SA'A NI Ta taàn



Ma kunkaa yatyi ni ventana a kue ña'an ña kuu yaà



Taxiin ni kuntu'u ni ra kunkaa ni nuu kò ña nto'o ni



Ntakasi ni gas ra xita ni kavli ñu'un



Ma kunka yatyi ni posti ñu'un, nuu ya'a kavli a nuu inaa ña kuu yaà xini ni



Ma kunka yatyi ni ve'e suku

KUNTYEE NI Ta niya'a ña taàn



Kuntyee ni a kò ña nikuu ve'e ni



Ma ntatuun ni seriyu a itì tatu ntsain kuni ni a kue kee gas



Skaxi ni nuu tutyi tatu tsiniñuu



Ntakatu'un ni ntyí kuu, su saàn ra sa'a ni tutu'un tya kantsitsa ni ña ka'an kue tyakumityuun



Kuu taàn tuku, ñaà ma kuka'an ni ña tsa niya'i

Nkoyo ra, uvi sientu kuia ra mantya vityi ra tsa ntaàn...



75

sismos relevantes por los daños o pérdidas que generaron, de éstos,

60

tuvieron magnitud mayor o igual a 7.

Uni xiko tsa'un ntya'ntya tsa kini nikuu, kua'a ña'an naà. tya nuu kue ña ño'o ra ùni xiko ña ntaàn ni'in, kua utsa kuà ña ni'in ntaà, tono ka'an kue na to'o.

Ntakatu'un ni

www.proteccioncivil.gob.mx

www.cenapred.gob.mx

www.sismos.gob.mx



Fuente: Centro Nacional de Prevención de Desastres

Lengua indígena nacional: **Mixteco**. Autodenominación de la variante lingüística: Sa'an ntaví. Lugar: Municipio de San Juan Mixtepec, distrito de Juxtlahuaca, Oaxaca. También se le denomina **mixteco del oeste central**. Traductor: Bernardo Galindo Sánchez

SIKLÒN KUA' AN TANTYAA...¿Ntyi kuu sa'a ni?




Sistema de Alerta Temprana
Ciclones Tropicales **SIAT - CT**

U'un kua ña kini kuu ta ya'i, kuu vita ni ya'i a ña ntyu kini ta kuu ta ya'i.

Ta kua'an tantya siklòn nuu ntóyo.

Nkoyo ra kuu koo siklòn ta kitsa yoo mayu mantya noviembre. Kitsai kua oko u'un tya kùmi ta'in ki'vi nuu yée.



Ntakatu'un ni



Sistema Nacional de Protección Civil
www.proteccioncivil.gob.mx

Servicio Meteorológico Nacional
www.smn.gob.mx

Centro Nacional de Prevención de Desastres
www.cenapred.gob.mx

Fuente:
Centro Nacional de Prevención de Desastres

Lengua indígena nacional:
Mixteco. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juxtlahuaca, Oaxaca. También se le denomina **mixteco del oeste central**. Traductor: Bernardo Galindo Sánchez

<p>In siklòn ra kua'an tantyai nuu ñu'u kantu'u yatyi yu'u mar</p> <p>Kutyaso'o ni ta nkatani na tsa'i nuu radiu</p>	<p>1. Tsa yatyi kò tunto'o</p>
<p>Kantya ni nta'a yutu satyain nuu ya'a kavli, a kue ña kuè va'a itanaa</p> <p>Tyinaa ni sinta adhesiva, in skina ña tsi inka tuku skina ña, uvi kua sa'a ni saan ra kani va'a ni kue ña'a kuu ntàtyi sa'a tàtyi ni'in</p> <p>Ntativi ni xini ve'e tatu nikututu mi'in, nuu kee tyikui ntyasàvi takua na ku'un kii ra, koto ma skana ni mi'in vari sara ntututu nti'a tsasia nuu ku'un ntyasàvi</p>	<p>2. Xo ta ni yee tunto'o</p>
<p>Tatu tsiniñuu kee ni ve'e ni, ku'un ni in ve'e nikuva'a kùtu ko nuu ni ra tsa yee kivi kuni ni ntyi inkai takua tsaa kii ni</p> <p>Tyikaa va'a ni kue ña'a kò'o katsi ni ra kuna'a ni ntyi kantu'u kue ña'a ña kuu kuniñuu kii ni</p> <p>Tyikava'a ni kue tutu ña yee kunka va'a tono kikuu ata ni, tutu ña ka'an ntyi kivi nikaku ni, a ntyi ka tutu tono kikuu ño'o. Kuu tyikava'a ni ña ini volsa nailo</p>	<p>3. Tsaku ta ni yee tunto'o</p>
<p>Kuake ni tatu inka ni nuu kuu ntyi nto'o ni ra yee ku'un ni in ve'e ko nuu ni tatu kuu yaà ve'e ni a ntatya</p> <p>Tatu yee ni yu'u yutya a yu'u lajuna ra koto ityi ni tatu kua'an nkaà tyikui</p> <p>Ntakasi ni vitu ye'e a ventana, ntakasi ni gas ra xita ni kavli ñu'un</p>	<p>4. Kuu ntuta'an ni tunto'o</p>
<p>Ma kunka yatyi ni ventana vaki ntyi nto ni tatu na ta'via</p> <p>Ini ve'e ni kunkaa ni a ve'e nuu kua'an nuu ni ko ni. Kee ni ta kò ka ña ntyi kuu</p> <p>Taxiin ni kuntu'u ni ra ntakatu'un ni ntyi kuu</p>	<p>5. Kíni kuu</p>

SEGOB
SECRETARÍA DE GOBERNACIÓN



SISTEMA NACIONAL DE PROTECCIÓN CIVIL
CENAPRED
MÉXICO


SIKLÒN KUA'AN KUTSIKA...¿Ntyi kuu sa'a ni?



Sistema de Alerta Temprana
Ciclones Tropicales **SIAT - CT**

Ntakuni ni ña yee **u'un kua ña kini kuu ta ya'i**, ta kini ta kuu ta sa kua'an ya'i mantya ta kua'an kutaxia.

Nkoyo ra kuu koo siklòn ta kitsa yoo mayu mantya noviembre. Kitsa kua oko u'un tya kùmi ta'in ki'vi nuu yee.



Ntakatu'un ni



Sistema Nacional de Protección Civil
www.proteccioncivil.gob.mx

Servicio Meteorológico Nacional
www.smn.gob.mx

Centro Nacional de Prevención de Desastres
www.cenapred.gob.mx

Fuente:
Centro Nacional de Prevención de Desastres

Lengua indígena nacional:
Mixteco. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juxtlahuaca, Oaxaca. También se le denomina **mixteco del oeste central**. Traductor: Bernardo Galindo Sánchez

1. Kini kuu

- Ini ve'e ni kunkaa ni a ve'e nuu kua'an nuu ni ko ni. Kee ni ta kò ka ña ntyi kuu
- Taxiin ni kuntu'u ni ra ka'an ni nuu na xi ve'e ni ña ma yu'u na
- Taxiin ni kuntu'u ni ra ntakatu'un ni ntyi kuu

2. Kuu koo

- Tatu ntyi niku ve'e ni ra katu'un ni nuu kue tyakumityun ra ntatyiko ni ve'e nuu yee nuu ni
- Kuntye'e ni ña ntoo koo ña ko'o katsi ni
- Ma skaka ni ityi ni autopista
- Ma ki'vi ni mar

3. Tsaku ta ni yee tunto'o

- Vii koo ña ko'o ni a ña katsi ni
- Tyintyee ni ntäivi mi'in nikinto ta niya'a siklòn
- Tava ni tyikui ntya nikinto takua ma ta'vi itsi
- Ma ku'na ni gas a tyikui, ra ma ntatynaa ni cabli mantya ta niya'a ña ma kò tunto'o

4. Xo ta ni yee tunto'o

- Kuntye'e ni ña ntoo koo ña ko'o ni a ña katsi ni
- Ma kàka ni nuu kini nikuu, ma kuain ni cabli ni ntyi ña'an kuu stutsi ni
- Tatu yee ni ntyika yuku, nuu ntantye'e a nuu yee kàva ra koto ni mee ni vaki tuu ñu'un

5. Tsa yatyi kò tunto'o

Siklòn tropical ra kua'an kutsika ña tatu yee na yu'u mar, tsa'a ñaà ra kò ka ña ntyi kuu

- Kutyas'o ni ña ka'an na nuu radiu a nuu tele tsa'a siklòn

Ña taàn **Nkoyo**...

Kua'an kuiin nuu ntantika ñu'un Ñuu Kuatyí

A TSINI NI ÑA...



1

Ñu'un ña kantu'u yu'u mar, ña kitsa ñuu nani Jalisco mantya ñu'u Tziapas kuu nuu taàn xe ka

2

Vityi ra tsa'a ña tsini na ntyi kuu nuu taàn ra ntana'àn na ñu'un nuu taàn, tono kikuu ña kaa nuu tutu ntaka'i na yo

3

Ñu'un kantu'u yu'u mar ñuu Kuatyí ra, kua'an in kuiin nuu ñu'in tsa'a ña taàn, kitsai Akapulko ra tsikutui mantya Zihuatanejo. Yo'o kuu nuu tsa ntaàn tyu'a

4

Nuu kua'an in kuiin yo ra tsa ntaàn ññu tya'ntya, ta kuia 1845 matya 1911, tya ntuta'an na tunto'o, tsa'a ñaà ra kuu taàn tuku



Nuu kua'an in kuiin Ñuu Kuatyí



TAKUA KOO TU'VA...

Na kumi tyuun ra ntsini na nixi koo tu'va na, ra tsini tuku na nixi sa'a na Nti'i ni na yee koo tu'va tatu taàn

In ve'e nikuva'a va'a ra tyintyii takua tsaku ta ni kini kuu

Kantsitsa ni tu'un ña ka'an nixi kuu sava'a na ve'e, saàn ra tsaku ta ni kini kuu tya saàn ra yee nuu kuu kaki ni kuatyí tatu ntyi niku ve'e ña sava'a va'a na

Lengua indígena nacional: **Mixteco**. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juxtlahuaca, Oaxaca. También se le denomina **mixteco del oeste central**. Traductor: Bernardo Galindo Sánchez



Ntakatu'un ni

Servicio Sismológico Nacional (SSN)
www.ssn.unam.mx

Sistema Nacional de Protección Civil
www.proteccioncivil.gob.mx

Centro Nacional de Prevención de Desastres
www.cenapred.gob.mx

Fuente:
Centro Nacional de
Prevención de Desastres

#PREVENIRESVIVIR

SEGOB
SECRETARÍA DE GOBERNACIÓN



SISTEMA NACIONAL DE
PROTECCIÓN CIVIL | **CENAPRED**
MÉXICO

TA KAA KII NI TYIKUI...intya xeen ka!

¿Ntyi kuu ra kuu ntya xeen ka|?

- Kitsaa kaa ra ta kuun ta savi nuu ntyee; yàtyi tyu'a kaa ra, ra xo xe tsa'a ra ña kee na
- Sakà ra tsi ntya'i tya ni'in ntyu'a kua'an ra, ra kò ña kàku nuu ya'a ra kua'an ra, tsa'a ñaà ra snaà ra ña'an nuu ya'a ra
- Nkoyo ra kini kuu ta kuu saàn, ts'i tuku na, tono ta niya'a urakan *Paulina*, Acapulco, Ñuu Kuatyi, kuia 1997 saàn

ÑA SA'A TA KUU SAÀN



Nuu ntyee yuu tsi yutya



Nuu statyi na yutu



Nuu kuntyu'a ñu'un



Ta tsatyuun na ñu'un kuva'a ve'e



Nuu ni'in yaa tyikui inka in presa



ÑA KUU

- Kuntyu'a ñu'un nuu suku
- Tivi nuu ñu'un tsitu na
- Tuu ñu'un nkinu kua'in ityi ninu
- Ntasi drenaje
- Tsitu xe presa ra kue keta ka kunka ra

Ntakatu'un ni



Servicio Meteorológico Nacional
<http://smn.cna.gob.mx>

Comisión Nacional del Agua
www.conagua.gob.mx

Sistema Nacional de Protección Civil
www.proteccioncivil.gob.mx

Centro Nacional de Prevención de Desastres
www.cenapred.gob.mx

Fuente:
Centro Nacional de Prevención de Desastres

¿NIXI KOO TU'VA NA?



Va'a kuatyuun ni ñu'un



Ma ku'un ni sa'a ni ve'e yatyi yutya, kàva a nuu ntakatu tyikui



Ntastee ni yutu takua na tsitsi so tyikui ku'un ra titsi ñu'un



Ntakatu'un ni ntyí katu'un na tsa'a ntyí kivi kuun savi



Kantsitsa ni ña ka'àn Protección Civil

#PREVENIRESVIVIR

Lengua indígena nacional: Mixteco. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juxtlahuaca, Oaxaca. También se le denomina mixteco del oeste central. Traductor: Bernardo Galindo Sánchez

SEGOB
SECRETARÍA DE GOBERNACIÓN



SISTEMA NACIONAL DE PROTECCIÓN CIVIL | CENAPRED
MÉXICO

MOVIENDO A MÉXICO HACIA LA PREVENCIÓN

Tunto'o koo na tatu yee na ntyika yuku



Ña kuu sa'a na ra tuu ñu'un

Kue yuku, yuku na'nu tsi kue tsiki kakuu kua sava ntaa ñu'un ña kumi Nkoyo, tya in kua kue ño'o kuu ña kuu ntantaya ra ntunta'an na tunto'o

Kuu ntantaya ntyika yuku tatu...

- ▶ Kuun ntyu'a savi a tsitya ntyu'a tyikui tuvería, ika ra tatsa ña ta taàn, ta ka'nti kuu sa'a in volcan a tatsa sa'a ntyi kaà tava ñu'un
- ▶ Sa'a ntyu'a na ve'e nuu ñu'un
- ▶ Sti'i na kue yutu kaa nuu ñu'un
- ▶ Keè tyikui yakua na, kua'an ra titsi ñu'un
- ▶ Kua'an na, kue va'a kaan na ñu'un nuu kuva'a ntyi ña'an

¡Koto ityi ni ña kuu!

Kuu taya ñu'un ra tui ku'in tatu...

- ▶ Kua'an keè ñu'un, ntantika kua sava ntyika ña a mantya yatyi xinia
- ▶ Ntakoo pisu a kua'an kai vitu ye'e a ventana
- ▶ Ta'vi pavimentu
- ▶ Kuxiin kue yutu tsi tsaku na
- ▶ Kuyakua ntyika ve'e na a si'in ve'e na
- ▶ Kanta mee ñu'un

Lengua indígena nacional: **Mixteco**. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juchitahuaca, Oaxaca. También se le denomina **mixteco del oeste central**. Traductor: Bernardo Galindo Sánchez

¿Ntyi kuu sa'a na tatu kuu nto'o na tunto'o?

- ▶ Tsiniñuu kuntyee na nixi kaa nuu yee na, ra sa'a na ña ka'an Protección Civil
- ▶ Ma ku'un na ntyi sa'a nuu ñu'un tatu nkuu, ra yee kuni na nixi yee sa'a na ve'e a varda
- ▶ Koto ityi na vitu ye'e, varda, ntyika ve'e a pisu takua kuni kii na tatu kua'an ntantika ña, ntuntika ña a kua'an nta'kò
- ▶ Ma ka'ntya na kue yutu
- ▶ Ma kua'a na ityi ña too tyikui tuvu
- ▶ Kuntyee na ña kò yutu a si'in nikuxiin
- ▶ Katu'un kii na nuu Protección Civil tatu ntyi ña kuu

¡Va'a ka ña kàku we ni!

#PREVENIRESVIVIR

Ntakatu'un ni

Sistema Nacional de
Protección Civil
www.proteccioncivil.gob.mx

Centro Nacional de
Prevención de Desastres
www.cenapred.gob.mx



Fuente: Centro Nacional de Prevención de Desastres

SEGOB
SECRETARÍA DE GOBERNACIÓN



SISTEMA NACIONAL DE
PROTECCIÓN CIVIL
CENAPRED
MÉXICO

MOVIENDO A MÉXICO HACIA LA PREVENCIÓN

Ña sa'a tuu ñu'un

Ntyi kuu sa'a na takua ma tuu ñu'un ntyika kàva

In ntyika yuku ra kui in nuu ntatyee ñu'un vari saàn kaa yuku na'nu a tsiki.

Ta ntyi kuu ntyika yuku ra yee ntyi tsa'a ví, tono ntana'a na in tsio nuu tutu yo, ñaà yee kuni na ña ra koo tu'va na.

¿Nixi kuu ta kànta ñu'un ntyika yuku?

In tuu ni ñu'un saàn kuu ta in kànta ni ñu'un a tuu yuu ntyika yuku, kavi kua'in ra kani ta'in kua'in.

Tuu ñu'un saàn kuu ta tsa ntika ñu'un kuu ña ntataya ra tui. Tsa yee kivi ña kitsa ntantika ña a nkinui. Kuu kini kuu tatu na koo saàn.

Ntataya ñu'un saàn kuu ta tuu ñu'un, kitsai tsa'a ntyika yuku ra kua'an tuu kue ntuu ña, tya tsa ka'nui. Saàn kuu ta kuun ntyu'a savi, ra ñaà kua'an ntoo nti'i ñu'un va'a tsa'a ña ni'in kua'in tyi nuu yee yuu a nuu ñu'un ntaa, kini kuu nuu kua'in ra ntakutu nuu ya'i.

¿Nchi kuu sa'a na takua kò ña kuu ntyika yuku ra tsaku ta ni kini kuu?

1.- Ma kan'tya ni kue yutu ni ma ntasatyee ni nuu ñu'un

2.- Koto va'a ni ñu'un ra ma ku'un ni ntyi sa'a ni nuu ñu'un ña kuu tuu

3.- Ma kaan ni tsa'a ntyika yuku

4.- Tatu ntyi kusaa ni ntyika yuku ra ntakatu'un ni nuu na satyuun Xini Ñuu

5.- Koto ityi ni ña ma too tyikui drenaje. Tatu ntsini ni ña kana tyikui a nika'nti drenaje ra yee katu'un kii ni nuu na kumityuun takua na ntasava'a kii na ña

6.- Va'a xo kutyasoo ni ña ka'an Protección Civil ta kitsa yoo kuun savi, ra yee tyintyee ni tsian takua ntakuni kii ni, ntyi kuu nuu ñu'un.

7.- Nu nuu ni yee kuntyee ni nixi kaa ntyika ve'e, pisu, xini ve'e ña a kò ntyi nuu ntantika ña, kuankeè ña, ntuntika ñu'un a kua'an kitsa tyinta'a ta'in kua'in ra na'in tono ña yee kùai ña

8.- Koto ityi ni tatu nikuxiin si'in tsi kue yutu kaa ntyika kàva

9.- Ta kunkitsa ni sa'a ni ntyi ña'a nuu ñu'un ra ka'an ni tsi ña kuu Protección Civil

10.- Tatu ntane'e ni nuu ntantika ñu'un, ntyika yuku nuu yee ni ra katu'un kii ni nuu na kumi tyuun Protección Civil yee ñuu ni, tatu yii

Tatu ntyi kuu ra skaxi ni ño'o 088

Tatu kuni ka ni kuni ni ra kuu ki'vi ni yo'o:

www.proteccioncivil.gob.mx
www.cenapred.gob.mx



Koto ityi ni nii kuia katyi ka yoo juniu mantya noviembre vari saàn kuu ña ntyi kuu

VE'E VA'A KOO NA...

Tatu kusa'a ni a kuntasava'a ni ve'e ni:



Nkoyo ra tsa yatyi nti'i ve'e kuva'a nixi nikuu



Ña tsini na ra, ta taàn nii ñayivi ra kue ve'e ña ma nikuva'a tono katyi Tutu ña ka'an nixi kuva'a ve'e ra ta'via



Tono kikuu kue ve'e ña nikuva'a saàn ra, ta nikuva'i yatyi tyikui, nuu ñu'un kuu tuu ta taàn, ta tsika tatyí a ta nkinuu ñu'un kua'in ra kuu nàin



Tatu na kuaryun na Tutu ña ka'an nixi kuva'a ve'e ra va'a xe ka kuu koo na ña




Ntakatu'un ni:

Oficinas de Desarrollo Urbano, Vivienda u Obras Públicas yee Xini Nuu ni, a delegación política o entidad federativa.

Fuente: Centro Nacional de Prevención de Desastres

Lengua indígena nacional: Mixteco. Autodenominación de la variante lingüística: Sa'an ntavi. Lugar: Municipio de San Juan Mixtepec, distrito de Juchitahuaca, Oaxaca. También se le denomina mixteco del oeste central. Traductor: Bernardo Galindo Sánchez

- Yee ku'un ni nuu ingenieru, arquitecto a técnico ña sava'a ve'e
- Yee kuntyee ni a nikuva'a ve'e ni tono katyi Tutu ña ka'an nixi kuva'a ve'e
- Kuntyee ni na kuva'a va'a ve'e, su tono kai inkai nuu tutu ntana'a na, saàn takua na kuva'a kútu ña, na kuntyii ra na'a na koi
- Tatu kò Tutu ña ka'an nixi kuva'a ve'e kumi na ñuu ni ra yee ntakatu'un ni nuu na kumityun, tono kikuu na kuu Obra Pública, Desarrollo Urbano tsi Vivienda, tsa'a nixi yee kuva'a ve'e
- Kàkà ni nuu na tu'va sava'a ve'e na ka'an na nixi kuu kuva'a ve'e



#PREVENIRESVIVIR

SEGOB
SECRETARÍA DE GOBERNACIÓN



SISTEMA NACIONAL DE PROTECCIÓN CIVIL | CENAPRED
MÉXICO

MOVIENDO A MÉXICO HACIA LA PREVENCIÓN

Tu'un tsa'a ve'e ni



Ve'e ni ra ntyeè nikuva'a ña nuu koo ni tsi na xi ve'e ni vi, tsa'a ñaà ra yee kuva'a va'i tatu ntyi kivi taàn, tsika tatyi xeen, a nikaa tyikui ta kuun ntyu'a savi, ta kuun iin a ntyi ka kuu



Kuu ntakatu'un ni nuu na tsini nixi kuu kuva'a ve'e, a tya'vi so ni na takua na kuntyee na a va'a ni kua'an kuva'a ve'e, saàn takua kò ña kui tatu ntyi kivi kini kuu



Kuatyuun ni Tutu ña ka'an nixi kuva'a ve'e ra ña va'a vi vari: kuva'a kutu ña, va'a kuva'i tya saàn ra yee kuu ka'an tsa'i tatu nixi nikui, nixi nikuva'i a nixi yee kuntyaa na ña



Ta ntyi kivi kusava'a ni ve'e ra, yee kuntyee ni nixi nikasava'a na tsini ña, saàn ra kuni ni nisaa ntyika ve'e ku'un, ntyii yee kunkai, nixi koo kastiyu, trave tuku; a yee kua'a ntyee ve'e. Nti'i ña ño'o ra yee ntana'a na ña nuu tutu ra tyikava'a ni ña

¡Ntakatu'un ni!

Ka'vi ni ra sa'a ni ña katyi Tutu ña ka'an nixi koo ve'e kumi na ñuu ni, tutu yo ra, ña kana nuu Gaceta Oficial na Kumityuun ntoyo yatyi ñuu ni vi

